

Na osnovu člana 22 Statuta Brčko distrikta BiH – prečišćeni tekst (Službeni glasnik Brčko distrikta BiH, broj 2/10), članova 129 i 130 Poslovnika o radu Skupštine Brčko distrikta BiH (Službeni glasnik Brčko distrikta BiH, brojevi 17/08 i 20/10), razmatrajući Nacrt zakona o sportu u Brčko distriktu Bosne i Hercegovine, Skupština Brčko distrikta BiH, na I. nastavku 29. redovne sjednice održanom 14. jula 2010. godine, donosi

O D L U K U
O ODRŽAVANJU JAVNE RASPRAVE O NACRTU
ZAKONA O SPORTU U BRČKO DISTRIKTU BOSNE I HERCEGOVINE

Član 1

Ovom odlukom uređuje se način održavanja javne rasprave o Nacrtu zakona o sportu u Brčko distriktu Bosne i Hercegovine.

Član 2

Nosioci aktivnosti provođenja javne rasprave su Komisija za obrazovanje, sport, kulturu i saradnju sa vjerskim zajednicama, Skupštine Brčko distrikta BiH i Odjeljenje za privredni razvoj, sport i kulturu Vlade Brčko distrikta BiH.

Član 3

Zadužuje se Vlada Brčko distrikta BiH da, u roku od tri (3) dana od dana usvajanja ove odluke, Nacrt zakona iz člana 1 ove odluke učini dostupnim na web-stranici Vlade Brčko distrikta BiH www.bdcentral.net.

Član 4

Javna rasprava održat će se:

- u četvrtak, 26. 8. 2010. godine u velikoj sali Doma kulture u Brčkom, s početkom u 18 sati.

Član 5

Finansijska sredstva za organiziranje i provođenje javne rasprave osigurat će Vlada Brčko distrikta BiH.

Član 6

Nakon sprovedene javne rasprave Komisija za obrazovanje, sport, kulturu i saradnju sa vjerskim zajednicama, Skupštine Brčko distrikta BiH sumirat će kompletnu raspravu i podnijeti Skupštini izvještaj s prijedlozima i mišljenjima s javne rasprave.

Član 7

Zapisnik s javne rasprave bit će dostavljen šefovima zastupničkih klubova Skupštine Brčko distrikta BiH najmanje sedam (7) dana prije nego što se Nacrt zakona uputi u proceduru drugog čitanja.

Član 8

Ova odluka stupa na snagu danom donošenja i objavit će se u Službenom glasniku Brčko distrikta BiH.

Broj: 01-02-263/10
Brčko, 14. 7. 2010. godine

PREDSJEDNIK
SKUPŠTINE BRČKO DISTRIKTA BiH

Mirsad Đapo, dipl. pravnik, s.r.